

Donostian, 2017ko maiatzaren 19an

IDAZKARI NAGUSIARI

HIRIAN ZUHAITZAK EGOTEARI BURUZKO KONTROL MOZIOA

Irabazi Donostia udal taldeko zinegotzi Loïc Alejandrok, Udalbatzaren Organo Araudiko 98. artikulua jartzen duena aintzakotzat hartu eta KONTROL MOZIO hau aurkeztu du, Gune Publikoen Batzordean Donostian zuhaitzak mozteari buruz hilabete honetan egindako interpelazioaren ondorioz.

JUSTIFIKAZIOA

Ustez, hiriko hainbat eremutan zuhaitzak bota dituzte edo botako, besteak beste:

- Ezkia, Herreran.
- Zuhaitzak, Txofre plazan.
- Magnoliak, Sarriegi plazan.
- Partzialki edo erabat eroritako zuhaitzak, Bulebarren.
- 40 zuhaitz inguru botako dituzte, Cristina Enea parkean, malda irisgarri bat egiteko proiektuan.

Era berean, hiriko hainbat gunetan ikus daiteke zenbait txorko zigilatu direla; hortaz, ez dira berriz jarri lehen han izandako espezieak.

Batzordean, zinegotzi ordezkariak azaldu zizkigun zuhaitzak botatzeko arrazoiak, eta, funtsean, bi motatakoak ziren, testuinguruaren arabera:

- Segurtasun arrazoiak
- Gaixotasunak
- Arrazoi teknikoak (lore zaintzako proiektua, esaterako).

Era berean, zuhaitzen horniduran atzeratu izanaren arrazoiak azaldu zizkigun; izan ere, oraindik ez dira berriz jarri, baina laster jarriko dituzte.

Hiri ingurunean zuhaitzak egoteak onura asko ekartzen ditu:

- ingurumen abantailak; airearen kalitatean efektuak sortzen ditu, temperatura murrizten du, kutsatzaileak murriztea eta ikatza xurgatzea, besteak beste,
- ura kontserbatzen du eta lurzoruaren higadura murriztea,
- kutsadura akustikoa murriztea,
- biodibertsitatea areagotzea,
- gizartean kontzientzia ekologikoa sustatzea, ingurune heziketarako bideak eskaintzen baititu ingurune naturalarekin zuzeneko interakzioan izatearen esperientzia beraren bitartez,
- Amerikako Estatu Batuetako ikerketa batzuek ondorioztatu dute hiri ingurune berdeek lagundu egiten dutela beldur nahiz indarkeria sentipena kontrolatzen, eta bitxia bada ere, eremu berde gehiago dituzten auzoetan delinkuentzia tasa txikiagoak daudela ohartu dira.

Nazio Batuen arabera, "hirietako zuhaitz handiak iragazki ezin hobeak dira hiriko kutsatzaileentzat eta partikula txikientzat. Zuhaitzek elikagaiak ematen dituzte, hala nola frutak, fruitu lehorrak eta hostoak. Zuhaitzetatik hurbil denbora pasatzeak hobetu egiten ditu osasun fisikoa eta mentala, energia mailak eta errekupeazio abiadura areagotzen ditu eta presio arteriala eta estresa murrizten ditu. Eraikinen inguruan zuzen jarritako zuhaitzek % 30 murrizten dituzte aire girotuaren premiak eta berogailuan % 20-50 aurrezteka ekartzen dute. Zuhaitzek habitata, elikagaiak eta babeska eskaintzen dizkiete landare eta animaliei, eta, hortaz, hiriko biodibertsitatea areagotzen dute".

Hil honen 17an Donostiako ikasleen lan baten aurkezpenean izan ginen, Eskola Agenda 21 egitasmoaren esparruan. Aurkezpeneko ondorioen artean, honako hau nabarmendu daiteke: "Zuhaitz gehiago ez botatzea, eta gaixorik daudelako botatzen badira, beste batzuk landatzea, baina bertako espezieetakoak". Eskaera horrekin erabat ados gaude.

Horren harira, zuhaitzek hirian dituzten abantaila guztiak baliatzeko, uste dugu beharrezkoak direla honako hauek:

- espazio publikoan berriz jartzea, gutxienez, segurtasunagatik, gaixotasunagatik edo egoera txarrean egoteagatik (enberraren zati bat erorita...) botatako edo botako diren ale guztiak,
- irtenbideak bilatzea zuhaitzak eta beste premia batzuk bateragarri egiteko (zuhaitzak izatearekin bat datozen lorezaintzako proiektuak, kasurako),
- hiriko espazio publikoetako zuhaitzei buruzko plan bat aurkeztea.

Hori dela eta, honako kontrol mozio hau aurkezten dugu:

KONTROL MOZIOA

1. Donostiako Udalak hertsatuki eskatzen dio udal Gobernuari du hiri espazio berde bat izateko, bertako espezieetako zuhaitz ugaz hornitua.
2. Hertsatuki eskatzen dio Donostiako Udalbatzak udal Gobernuari espazio publikoan berriz jartzeko segurtasunagatik, gaixotasunagatik edo egoera txarrean egoteagatik botatako edo bota beharreko ale guztiak. Alea espezie berekoa izango da, bertako espeziea bada, eta, hala ez bada, bertako espezie bat jarriko da.
3. Hertsatuki eskatzen dio Donostiako Udalbatzak udal Gobernuari Ingurumen Sailarekin adostutako formulak erabiltzeko, halakorik badago, zuhaitzak eta beste premia batzuk (lozezaintza edo beste batzuk) bateragarri egiteko.
4. Hertsatuki eskatzen dio Donostiako Udalbatzak udal Gobernuari hiriko zuhaitzei buruzko plan bat egiteko eta aurkezteko, herritarrei jakinarazteko udalak nola bultzatu nahi duen zuhaitzen presentzia gure hiri ingurunean.
5. Hertsatuki eskatzen dio Donostiako Udalbatzak udal Gobernuari herritarrei eta udal taldeei adierazteko Donostian moztutako zuhaitzen egurra zertan erabiltzen den.

Sinatua: Loïc Alejandro,

Irabazi Donostia taldeko zinegotzia.